

皇國名醫傳


中



外典十

和書門	一六〇五一
類	二九
函	三
架	三

內閣文庫	和書
一六〇五一	類
三	冊
五七函二	架

內閣文庫	番號	和	16051
	冊數	3	( 2 )
	函號	157	390





皇國名醫傳卷中

信濃 淺田惟常著

名護屋丹水 芳村恂益

名護屋玄醫字富潤一字閱甫號丹水又平安人受經

於羽州宗純精周易占法及壯始學醫得喻氏書而讀


之發憤沂古直以仲景為師嘗曰吾用藥不問病因之

陰陽虛實唯就見證施治頭痛治頭痛腹痛治腹痛咳

治咳喘治喘惡寒則附子溫之惡熱則桂麻發之寒熱

則用芍藥傷食嘔瀉則小柴胡調理之若夫五臟虛脫

皇國名醫傳 卷中 勿誤藥 謹識



非藥力所能速効則參朮徐養之若此爾輒近方法細碎多岐考諸古寡可徵信有志者擇術為先後世憑臆之論一切廢棄然後醫事始可道已世方奉李朱女醫務排之衆喧然相詆醫家有古方後世之目自女醫昉也女醫自少多病晚年腰脚癱瘓兩手痿痺居常在褥而氣力不少衰廣接病客旁事纂述貴族迎之舉褥輿而去當時以女醫比甲斐德本云延寶天和間數下徵命女醫固辭弗就人曰不少為子孫計邪曰家有廩祿子弟多無賴徒為遊惰之資不若亡也女醫晚好老莊又通佛說嘗作納涼記以見曠達之旨文長不錄門人

芳村恂益字慄夫一字謙受號天仙子少有軼才學問淵博退居京之北山終身以著述為事

丹水著有難經註疏金匱註解纂言方考用方規矩醫方問餘醫學愚得丹水子醫方規矩醫方摘要婦人房中補益論病家要論祕訣授調必用灸穴脉要訓蒙脉學源委續方考養生主論怪疴一得醫學隨筆三焦命門辨食物本草首書難經本義民間歲時記素問假名抄涕泗集抄易經集註抄杜律抄摸蘇錄堪輿輯錄丹水家訓等


天仙子著有內經綱紀醫學正名二火辨妄灸科須

知手澤囊。温泉考北山醫話等

後藤良山 孫慕庵 山村通庵


後藤達字有成通稱左一郎又號良山父某自京師徙江戶達幼遊林學士之門傍好醫方為人謹厚善事父母江戶多火災達家十年間七罹災資產蕩盡父曰災厄如此無復生意與憂勞拮据再謀興復不如西歸安居以終身也達乃奉父母如京師以醫為業家道益窘未嘗使父母知奉養益篤人疑其有私蓄先後喪父母皆服三年孺慕不衰及七年後哀至必啼泣云初將學醫慨然嘆曰吾欲為儒難上于伊藤仁齋吾欲為僧難兄

于隱元無已則醫乎先鞭無人是吾時也乃自奮勵日夕研究久而大有所悟曰太平百年風俗日遷汰侈遊惰之民嗜欲外訶心氣內勞是以腹裏悉結癥疝內傷諸疾因斯而起振之之方莫最于灸濟急亨屯莫如熊膽經溢血瘀久滯深痼宜浴温泉以取活暢血精虛乏宜厚飭食以助溫養外犯邪氣則用藥為主謂百病生于一氣之留滯故以順氣為治療之綱要又曰凡欲學醫者宜先察庖犧始于羲皇菜穀出于神農知養精偏在穀肉攻疾乃藉藥石然後取法於靈素八十一難之正語捨其空論雜說及文義難通者涉獵張機葛洪巢




元方孫思邈王燾等諸書不惑宋後諸家陰陽旺相府  
藏分配區區之辯而能識百病生于一氣之留滯則思  
過半矣有執政深信達術者欲薦幕府聘以千石之祿  
達固辭既而私其人曰侯之為達厚矣然達不能從命  
者有二江戸先人所不欲居苟貪美祿輒離墳墓一不  
可也達竊不自揆欲興復醫道弘諸天下京師四方之  
衝學徒所來聚舍此而他移二不可也若達志願不遂  
凍餓溝壑固所甘心執政知其不可奪而止山脇尚德  
一見退謂人曰翁器宇寬洪豪邁之氣曷出人意表弗  
可測也時醫皆雜髮著僧衣拜僧官達深非之首植髮

先是向井元升來京師始束髮改服然世未有從之者  
至此門人及世醫多慕達風漸向正俗又惡庸醫任意  
作劑無定準造圓七三等以正分量世以為法門人山  
村重高赤澤貞幹備前人著市瀨穆大坂人著傷等尤  
著子省字身之通稱仲介號椿好學精敏善繼父業中  
年病卒時論惜之子敏號慕庵又通稱香四郎生三歲孤叔父督通  
敏字求之號慕庵又通稱香四郎生三歲孤叔父督通  
季攝家以教養之敏學術精良操履醇朴絕志仕進專  
以甄錄家學為事父祖遺緒秩然就次第門人受業者  
四百餘人




重高通稱右一郎號通庵伊勢松阪人重高以灼艾一門師說已備已更欲試温泉之効遍歷諸州親驗其氣味主能既曰但馬城崎上野草津其功相敵均為天下第一湯但路程悠遠或有難往者於是叔意製湯方用潮水五斗硫黃六百錢糠一斗囊盛先以潮水二斗煎糠以糠赤色為度去滓內硫黃浴日三漸內潮水冬月旬餘一改夏月四五日傾去上水更加新潮用硫黃糠木量之半無潮水則以鹽五升和水湯成而試効功不異二泉  
良山著有病因考熊膽蕃椒灸說

椿庵著有傷風約言艾灸說約醫事大要治方漫錄師說筆記一家稿及文集  
慕庵著有傷寒金匱折義燈下餘錄病名通解養生日抄等良山六世孫古漁字聖民採摭家說著五書別髓  
北山壽安山與之無名曰其  
北山道長通稱壽安號友松子又仁壽庵逃禪堂父姓馬明人避亂投化寓長崎生道長道長改氏北山少善閩語從歸化僧化林獨立學醫受鼎湖神書於明異人又受長沙心法術已熟仕小倉侯無幾辭去東遊試伎喜大阪殷庶



遂止焉性開豁出言瀝出肝膈與人商議亡論親疏見其非則面斥之不曉不措曰錙銖無補於人予心愧之富貴之家謝幣菲薄則責而却之逢貧賤者施藥為治無所少吝或從賑以米錢間有病狀已極元神將脫者乞治則亦照經而與之藥或曰是可為邪曰否吾負醫者之名延一寸之命亦吾本分之事寧可袖手視其自斃或百死中得一生亦未必無之是亦我忍辱作善也道長好趨人急所得資幣隨即散失以故家屢空匱值有責債者輒高聲應之曰頃來病人皆貧賤一錢不可得嘗治和歌山侯病乃大署于門曰吾新得紀侯賞賚

諸債主速來取償其襟懷磊落如此道長所學甚博至卜筮風水地理無不兼綜其教弟子量材授之而尤粹于醫超脫時習獨以長沙為準治驗極多其應和歌山侯招於江戶適西条侯紀侯有疾踰時不差命診之日晡潮熱脉浮數而長診畢見府醫問前狀曰始疾頭痛鼻塞聲濁進霍香正氣散熱發轉升陽散火湯痰咳帶血絲改滋陰降火湯血止而體疲易以補中益氣湯體稍健而逆上諸證更加不審日後如何道長哂而起復於侯所曰易為耳時迫冬杪侯曰能及歲旦朝賀邪曰可侯乃召府醫承旨作劑道長擬升麻葛根湯府醫愕



阻道長曰且執七事後自知遂進發汗而諸症如掃府  
醫乃大悟道長曰表虛矣恐再感子之補中益氣方值  
其時加之芍藥葛根可以保無事矣一女遊春忽遇經  
行倉皇收拾歸則發熱通體如烘延到仲秋四肢浮腫  
食少神耗夜輒盜汗脉沈弦乍澁道長診之乃作麥煎  
散加入參服重四錢以小麥煎汁飲之每晨別服三才  
丸或疑麥煎太劇道長曰此原鬱勞兼血風者前治失  
方以至於此夫留瘀不去營血消燥其斃可立而待焉  
今之勢不得不補瀉兼施也且藥以敵毒何憚虛羸經  
不曰乎治病必求於本既而連用其方諸證並復繼以

歸脾湯而收功門人冒其姓者數人業皆盛行

友松子著有北山醫按北山醫話方考評議方考繩

愆刪補衆方規矩醫方大成論抄纂言方考首書醫

方口訣集首書等又有友松子語錄一名時習錄孫

道修所輯錄

飯田棟隆 加藤謙齋

飯田棟隆一名玄泉號福平安人或云受業於名護屋

玄醫之門初注心內經稍壯浸淫于宋元諸家晚乃歸

長沙性靜介好深湛之思常掩關讀書不靳用於世世

亦不肯乞治然沈痼篤疾他醫所難者及棟隆投劑靡

不效者皆手到病除




不奇中。以是名動京師。一夫患痞積。四五年飲食不化。食後必煩悶。後藤達灸之。腹忽大脹。欲極力按之。飲食不下。更與熊膽而大便溏。口乾燥。脉虛遲。棟隆視之曰。良山誤矣。經曰。不能治其虛。何問其餘。又曰。見肝之病。不曉相傳。但一心治肝。此中工也。正謂是也。乃作理中湯。加半夏。草菓與之。不日而愈。加藤忠貫慕棟隆學。請之於家。為其徒。講傷寒金匱等已。亦與聽忠貫字衛愚。通稱謙齋。號烏巢道人三河寶飯人世郡。甲族忠貫少。多病。邑醫不能治。就尾張小山臨節。門人醫受診。卒愈。於是讓家其弟。師事臨節。後居京師衣鋪。為人淳朴。終身用三

河方言。不敢為京語。人稱曰衣鋪先生。山陰是國和謙齋著有傷寒金匱通玄類證。醫通纂要。古方活用方的。治痢經驗。和韓人參考。本邦老醫傳。醫療手引。草傷寒論手引。草藥品手引。草等。又有小說數種。

稻生恒軒

稻生正治字見茂。通稱恒軒。大阪人。本姓波波伯部。出繼外家。父祖俱仕豐臣氏。正治少值王家板蕩。遂隱于醫。其術學之於古林正温。以精苦修鍊。被賞淀侯。永井氏聘為侍醫。侯徙封宮津。正治從遷。及世子尚長立。恩遇益渥。延寶初致仕。已而侯興學舍。復起。正治為教職數年。



謝病歸于大阪正治為人敦厚自奉至約而親知有貧乏者則傾資賑贍晚節最耽學祁寒隆暑未嘗釋卷自恨進學日淺每戒子弟以早從事子弟有請傳其醫術者輒不許曰吾少家貧無以事親故托方伎以謀奉養幸得菽水無欠以至今日是或賴事親之誠也學醫不精祇足害人况有經世之業可以致遠區區小技何傳之為子宜義別出

恒軒著有螽斯草

高森正因

高森正因號寂紀伊人出居伏見與北山道長同時道

長特推其能高取侯有疾遣招正因至則絕矣正因嘆惜曰遠方赴急奈無及何雖然願一診以慰吾志聽之正因出曰吾尚有所見乃取藥納口中須臾侯蘇從加調理疾卒愈眾驚讚以為神寶永中比歲凶歉道殣相望正因製勝平散普濟艱民性淡泊少奉佛終身不娶素齋諷經蕭然自怡獨好國歌暇則吟咏嘗以所賦二十首上靈元上皇上皇嘉之賜號東蘭亭時人歎羨

香月牛山

香月則真字啓益通稱貞庵

號牛山人又被髮翁

豐前中津人學

於貝原篤信又從靄原玄益受方伎仕本府居十餘歲  
 移病而去遊京師會大覺法王病舌瘡半年衆治無効  
 則真診曰是鬱痰爾法當吐衆尤其峻劇事聞  
 山上皇上皇上皇可之令進其方吐痰斗餘消息兩月  
 愈名遂重輦下久之小倉侯聘召不起侯乃辟其子則  
 貫則貫請父偕往以便侍養侯就加優禮奉  
 牛山著有牛山方考牛山活套老人養草小兒必用  
 記婦人壽草螢雪餘話藥籠本草習醫先入卷懷食  
 鏡卷懷灸鏡運氣算法醫學鈎玄國字醫叢遊豐司  
 命錄等

稻生若水

松岡元達

丹羽正伯

野呂元丈

小野蘭山

太田大洲

阿部將翁

田村藍水

子西湖


曾占春

本草之學以辨氣性為主西土據其名求其產尚且不  
 能無差失我邦隔海萬里因彼名以求我物欲其不繆  
 抑亦難矣故我之為斯學須先討究名物然後及于氣  
 性古昔地有藥園之設職有采藥之使又命深江輔仁  
 撰本草和名以布于世好生之德可謂至矣中世喪亂  
 百度頽弛醫學弗講斯典亦廢矣慶元革除神祖留

心醫藥如吉田宗恂辨珊瑚柏枝蒙嘉賞稱為異聞當時諸醫於藥物氣性各有撰著然率不過因陳演腐為課蒙之資要屬草創至肥前向井元升筑前貝原篤信字子誠號益軒世仕福井侯著大和本草等始對證彼我親驗物產既而稻生宜義者出著庶物類纂一千卷其徒承而精之高者足以駕西土諸家而上之矣江戶又有阿部照任特以此學顯於是本草名物遂為一科矣後道本草者率祖稻生阿部二氏故序其師授源流併取事蹟可考者而附焉

稻生宜義字彰信通稱若水父正治宜義受父學又師


木下貞幹以儒醫仕金澤侯初長崎盧草碩講究本草作藥性集要授同邑福山德潤德潤往大阪唱其學宜義從而受之性妙鑿別總括古今著庶物類纂嘗謂人曰使吾得條理天下事亦如此草木矣書成手寫正副二本正本獻之幕府副本納于藩府其友新井與稱曰年未滿五十而有千卷之著古今所希觀也無幾卒門人有松岡玄達丹羽貞機野呂實夫若水著庶物類纂外有炮炙全書本草圖翼食物本草物產目錄採藥獨斷食物傳信纂孝女傳詩經小識結髦居別集等



玄達字成章通稱恕庵號怡顏齋平安人問經山崎嘉伊藤維楨其讀本草三過即能成誦繼宜義業從遊甚多玄達操行淳古一門人見其子衣裳弊壞贈之絹袴玄達屏之曰昔吾侍仁齋先生時東涯尚少恒服吉貝麤素今我兒著深衣比之東涯少時既奢又何以是絹帛為家有南天燭幹命奴斲為女子笄然至典籍重金置之未嘗少吝作兩大庫一貯國典一藏漢籍以資生徒考索享保中被召抵江戶問以物產門人有津島如蘭通稱進恒之小野職博岩永元浩恕庵著有千金方藥注本草一家言大和本草一家

言用藥須知庖厨正要食療正要日用食性捷徑本草彙言摘要詹詹言結毗錄梅櫻蘭茵苔廣參諸品等

貞機字正伯實夫字元丈號連山皆以字稱伊勢人實夫本姓高橋出嗣叔父野呂三省二人同鄉友善共師山脇玄修旁就并河亮稻生宜義而學尤好本草宜義門下有出藍之目貞機性豪邁實夫性敦厚資格相反而志尚則一享保中貞機在江戶幕府命撰廢物類纂增補尋采藥於箱根山中乃薦實夫與俱是年復登日光及富士山明年探吉野熊野山中既而赴北陸道越白



山妙高諸山而至佐渡還又極伊豆諸島歷驗數年歸報各賜俸及宅以賞其勞後皆舉為醫官 德廟恒憫山野小民無醫藥逢疾多不治枉害性命使負機撰方劑簡便者名曰普救類方以頒民間實夫又采石藥於長石等州以其探討遍海內更請赴清國不許居常快望月乘服其博洽每勸勤成一家之言未果病頭瘍而卒

連山著有狂犬咬傷治方佛足石碑考

小野職博字以文通稱蘭山號子平安人世京官父職

茂主殿大允職博其次子也少學本草極精考驗採藥


之外足不出閤門束脩所入衣食所費一委家人不問有亡為人恭遜語言若不出于口而為弟子講本草則綜羅載籍旁引曲暢聽者莫不屬厭殊方罕覩一卉一介之微立指名之柴野邦彥嘗嘆曰蘭山本草之學踰李時珍輩遠矣寬政中幕府辟至江戶講本草於躋壽館賜俸及宅屢出採藥諸州先是資力有限不能及遠至此奉命而出沿途導從跋涉如意草鞋竹杖眇然一叟徒步巖岫之間見者以為神仙年八十二疾在林勉病著廣參說稿才成而卒又有本草啓蒙孫職孝與門人輯錄而取正者尤其精力所注云

元浩江戶人世業醫玄達之至江戶元浩從受本草要  
旨授之子澄玄澄玄字子通號大嗣外家冒太田氏少  
有聲譽晚益精詣前是攻本草者率以窮搜博討遍盡  
珍異為務澄玄主神農本經就常用物品甄覈名實辨  
訂精粗駁博不急之辨鑿空未核之說概從屏斥尤有  
益於醫療焉澄玄篤倫彛兄弟數人皆貧每推衣食而  
與之毫無厭色隣里有窮不能存者輒資導之種栽藥  
草因以舉烟者數十家而澄玄居陋巷賃房茅宇墊庠  
終身不移坐卧一室外無客次常時設卧具有來訪者  
意所不可輒覆被而卧雖勢貴不可得而見焉值其會

意盤礴圖書藥物之間塊然自樂生徒借近隣佛寺請  
講本草聽者常滿堂云

大洲著有神農本經臆斷本草綱目示蒙本草臆斷  
救荒本草臆斷崇廣堂隨筆東郊試方鞭草餘論鄙  
事臆斷等

阿部照任通稱友之進號將南部人少時乘漕船赴江  
戶遇颶漂到清國止於福建十八年得本草學歸居江  
戶享保中幕府求通知本草者或薦照任乃辟使采藥  
於東海北陸諸州三至蝦夷以勞賜俸及宅更給地於  
城東植養藥種照任前後所得物品甚夥至石藥尤多




前人所未道者其在甲州得黃芩以進時船載黃芩真物絕少先是照任弟子植村某通稱信濃大掾奉幕府命赴長崎鑒定藥品會寧波商齋黃芩數十萬斤某排眾議辨斥其偽幕府命却之於是德廟謂國產黃芩延喜式所未載而照任始得之其功偉矣且足以破西商之姦矣乃命送之長崎使清客米來頻視之來頻嘆異焉公因厚賜照任又得大附子於蝦夷公皆種之藥園朝鮮人參種法亦自照任發焉清商嘗獻貝母栽公令諸醫徧視莫有知者乃摘三葉盛以竹筒使人就問照任曰是為貝母郭璞所謂白華葉似韭者為最上品

世所稀見也嘗於相州雨降山世稱大山觀神庫有一小石如玉主僧傳為祕寶而不識其為何照任曰是鮫沓也以祈雨必有驗主僧喜時適大旱即取試之俄而雷雨大起及辨甲州金峯所出石英非水晶其精鑿博識率是類也時京師有遠藤元理諳悉藥性頗負時譽著本草辨疑論和漢諸藥精粗真偽及古今有無照任指適其誤繆玄理聞而大服遂來執贄云門人有田村登松井某通稱半兵衛

將翁著有諸國採藥記

登字玄臺通稱元雄號藍水江戶人世業醫父備豐通稱宗宣





好上古記傳之學著書數種登少以本草名實曆中幕  
府舉為醫官時新建製參所命登掌其事又往毛總野  
與等州買參初朝鮮國獻人參栽於幕府凡三皆弗殖  
享保初對州侯又獻六根德廟命擇地日光山下種  
之數歲三移其地始得生殖乃募諸州民益種之根株  
繁息及五百萬登所製熟參一舉得千有餘斤民間不  
復苦貴藥難贖矣登采藥經涉三十餘州其於大參甘  
蔗白河附子白牛酪芒硝及火浣布綿羊等尤多所發  
明云子善之昌臧昌臧出嗣幕府醫官栗本氏  
藍水著有參製祕錄人參耕作記人參譜竹譜甘蔗

製造傳琉球產物志木綿培養傳藥肆人參類集醴  
泉祥瑞說日本諸州藥譜等

善之通稱元長湖西繼父職掌寬政中進為內直尋命

采藥於伊豆諸島門人有平賀國倫字士彛通稱源內讚岐人著火浣布

畧說物類曾磐鈴木素行素行別出  
西湖著有度量小識要藥修治錄豆州諸島物產圖  
說物品彙考等

磐字士考一字煥卿通稱占春遠祖彥明人投化以醫  
居長崎稱庸山子孫承業兼為通事父昌啓始仕庄內

侯磐繼職雅好本草檢討甚勉後辭祿聚徒講授魔島


侯編成形圖說聘磐任以總裁成一百卷天明中幕府醫學創藥品會有審定官勅第物品幕府諭薩藩使磐副其事歲以為常

士考著有本草纂疏草圃括要府志草木昆蟲考水

林一烏

林一烏奧州岩城人初為某侯醫負居江戸稱田中元清辭職漫遊乃謂吾處于世譬猶烏鴉啞啞飛翔乎樹林間遂變姓名曰林一烏如長崎得荷蘭醫術山名某為大番頭成大阪聘一烏既至適會城中腫疾流行暴

死者甚多其證跗上發腫直逆行衝心不回踵而斃醫因脚氣腫滿舊套補瀉更施竟莫得功某乃召一烏責以救濟之方一烏退而精思累日得其說曰是素問所謂諸濕腫滿皆屬于脾土而王氏土氣太過則濕邪盛行者即脾胃敦阜所致故當疏其氣散其濕令小水通利補瀉皆非所宜所以無效也於是意製方又嚴禁忌食必大麥及小豆尤擇水性及試其方病輕者即時見効其諸劇證前古所論為死候者亦皆無不愈人賴蘇息一烏後再如大阪時腫疾滋盛延及城外傳染近國聞一烏至爭而趣之一烏不復為他醫專業治腫其




方唯一方妙製隨證加減治不假診脈按脚外賺三里  
 下察其堅軟以定虛實虛者謂非己方所宜辭不與藥  
 晚年及居江戶性簡率自適不喜與人交無妻子唯畜  
 數婢自奉布素而衣婢妾以錦繡重為之資入或譏之  
 一烏夷然不以為意生平治驗錄為卷帙然甚惜其方  
 書中亦不載之或有欲換以三百金者一烏不可其傳  
 遂絕

一烏著有客中集及腫病工案客中集刺

松原慶輔子敬輔 福島喜又

松原慶輔號一平安人從并河亮受儒醫之學世稱名

護屋玄醫後藤達及慶輔與山脇尚德為古方四家尚  
 德與吉益為則等會講傷寒論推慶輔為主慶輔性寬  
 厚有乞治者雖廢證悉備未嘗辭如昧然不悟生死者  
 問人問其故曰吾固知其不起矣然一息猶存臣子之  
 情舍醫誰恃而醫亦誰不盡其術以希或生也日野友  
 患腹痛慶輔為蟲積下治不差其人曰我鄉生兒必服  
 鷓鴣菜有蛇者亦爾今試用之何如慶輔擊節曰其可  
 矣我慮不至此也即與之下蛇二十餘條疾遂愈慶輔  
 大喜逢人輒說之云門徒請其著書慶輔曰吾每苦世  
 人一知半解輒事撰述為之徒弟者科條奉之不復念



出其右學術日下由是也我欲汝曹務高其志不為吾輩庸醫而止也故慶輔終身不著一書嘗就外臺祕要中選生漆大黃等丸遇沈患積毒者投之俟其瞑眩病見于大表然後為治每奏奇功世傳為法子陳善亦一貫齋又白翁按慶輔亦以字為稱也其名未聞嘗遊芳野過父門人福島喜又見其庭頗有營造嘆曰歲月遷徙子昔日豪氣亦變成齷齪乎子鄉山有金剛之秀水有芳野之清何所闕而為斯兒戲豈如種蔬采之尚可中以充食乎邑有久患腹痛者已而大下血用建中柴胡諸方毫無效應聞陳善來乞診且述前治陳善曰左矣

乃與之多甘草湯絞痛大減比陳善去病者能自來謝間數日耳陳善因喻曰謹服吾方不容妄易否則汝性命未可知病者守其言至痊

喜又號慎獨齋大和芳野人初學李朱之術心疑其說會有談古醫方者喜又旁聽慨然嘆曰醫之正路在乎此矣乃往從慶輔慶輔進為講長術成漫遊後暫反鄉里病者輻湊遂為所止喜又神情曠蕩無甚可否門生有疑難就而叩之即雄論風生嘗會子弟語曰汝等歲壯氣銳視疾病思欲必治之故往往不免牽強拂戾之累人身固有自然生理而疾病亦不能外乎是為醫者宜會

此旨予故喜用無功之藥無功者坦夷之劑是也若夫  
 勁峻有功之劑有時乎用之用當其機必期成功不敢  
 輕也輕則無功匪徒無功為害更甚故知有功之為無  
 功無功之為有功斯為精熟之候矣其於疾病何難之  
 有喜又終身所法唯一傷寒論攻補兼用能得其中矣  
 一閱齋有古方錄粹松原家藏方門人所輯錄  
 慎獨齋有芳翁醫談門人平安中川故字其德通所稱修亭  
 輯錄

奧村良筑

奧村良筑號南越前府中人執術卓厲與世醫殊趣鄉

人莫之肯信因甚欲改業者三年過六十始大行于越  
 之南北永富鳳慕其名與山脇侃同往受其吐方良筑  
 喜曰吾聞竹林生華翌年必枯吾子千里來見猶竹林  
 生華吾死無恨焉鳳授吐法於山脇尚德於是汗吐下  
 三方始備矣良筑又謂鳳曰吾子才學俊邁論非不高  
 旨非不深而高論遠旨自非聖賢施為多違自今以往  
 歷事多年子志業始應達而已鳳深服其言良筑初奉  
 張子和因以遡古道極其變化灌水治疾古人多用之  
 然至麻疹之灌浴前古所未聞良筑實發明之是類甚  
 多生平足跡未嘗出鄉關其術皆數十年仰思俯求之

所獨得良疏軀幹魁偉鬚髯不剪一見知其為異人云  
門人荻野元凱田中必大皆以其術著于京師必大字  
信藏所號適越前人著醫事談

荻野元凱

荻野元凱字子原號台金澤人兼善刺絡中年得吳有  
性書大喜治法多率吳氏京醫用達原飲自元凱始仕  
朝累階進左衛門尉寬政初候皇子脉拜典藥大  
允先是御醫皆以僧官進及此命降時論榮之九年幕  
府召抵江戶謁恭廟命講瘟疫論於濟壽館時目黑  
尚忠為助教至膜原說有所難詰元凱以議論不合辭

去明年再侍

皇子疾以功任尚藥敘河內守遠近

諸侯多延受治元凱有機畧一名伶自江戶來遇疾求  
診每往視伶輒勞從僕人方金一及痊為謝財幣極盛  
元凱一日設筵會客并召伶中飲請觀其伎伶固辭不  
聽遂起為伎既罷豫料謝幣及所遺從僕加其數舉以  
為纏頭伶後悟之大慚云

台州著有吐法編刺絡編麻疹編瘟疫餘論台州園  
隨筆等

戶田齋宮

戶田齋通稱齋宮號旭山又備前人本姓鈴木出嗣戶

田氏少善鎗法自謂身材短少伎不能踰等倫遂棄而學醫最精本草出居大阪自署其門曰草醫齋宮齋長治痢而以諸病為皆濕邪之所感招治方驅濕為先故世稱戶田齋之治萬病歸一水毒齋診病者以日十人為限曰過此則吾力不能給雖有請者不應焉一日門人以母疾延齋於高槻隣里聞其名請診陸續不已齋怒而起曰汝以危篤之母為餌釣許多病人乎門人懼而謝罪僅止為人治病酬幣厚則不受病者死則不受有強饋者則受以施浮圖其狷介如此嘗作非藥選駁香川修德又嘉其才遣子就學時論稱其公平

旭山著非藥選外有救生堂圃史醫學名數病名補遺小成漫錄文會錄等

香川修庵

從子主善

瀧彌八

香川修德字太冲以字稱號修庵又本堂姬路人幼穎異父豫託之後藤達修德年十八往京師達一見賞之勸就伊藤維楨專修文學居五年業大進門下推為高等既而以儒非父遺意決志為醫達乃謂之曰二千年來醫說夫緒紛紜日甚欲擯斥多端使古道復明於今日非真積力久則不能我老矣是子異日之任也於是厲志專精講求累年著藥選行餘醫言等書以推衍師說醫

道益闢而於溫泉及灸炳治効最致詳焉外科御醫久  
米元察春初赴饗腹痛俄作吐瀉數次翌日京師醫工  
皆聚溫補鍼按無術不盡而痛不少減其子夜走謁修  
德修德素與元察弗協子哀求極切遂許之及診脉絕  
四支微冷大汗流漉面如撫鐵修德曰病勢至此猶事  
煎飲是樓上注眼藥也治法有灸而已矣能忍熱乎元  
察曰屈子一診死生唯命乃使之起灸徹腹徹腹修德  
所創穴名  
在痞根下京門左近肋按  
之空鬆透徹于腹故名六十壯更卧之灸中脘一百  
壯而腹痛頓止增至二百五十壯明日左脉始生益用  
灸又一日夜右脉漸應食飲少進更灸上脘建里通谷

等漸次復平修德曰今後務在飼養謹勿用俗醫不寒  
不熱之藥汁以誤調理再致毀敗因謂元察曰子是文  
夫不思嫌隙以疾見託幸得成功吾亦有望于子子蒙  
上皇寵疾瘳而朝上必親問子無所隱諱詳  
言其狀上誠察灸治有功萬一聖恙乃用之  
推及公卿遐方小民傳聞放傲則其益於世大矣是區  
區之志願願賴子發之元察許諾既而惑補虛之說濫  
用湯藥以飲食日減衰憊益加訖乎不起矣或問子治  
元察衆咸咋舌抑以為何證邪曰疝耳吐下後豈仍滯  
食為害蓋當食塞胃元氣萎蕭宿疝得間而動致脹痛



拘急也然萎蕩既極非假陽熱焉得挽回之乎又問脉  
 絕何以保其無恙曰此伏脉非絕脉大凡大吐瀉有脉  
 伏三四日是時候在眼采聲音如元察聲音雖敗眼中  
 猶有可治之機故予決其不死修德儼恪有至性幼喪  
 父每朝起躬洒掃祠堂拜跪一如事生至老不變母沒  
 服喪三年其友瀧長愷贈書稱曰齡在耆老之間能為  
 人之所不能為可謂松柏之質經霜彌堅也從子景與  
 字主善以字稱號南洋又種紙莊主人受修德之學出居大阪修  
 德年老子少召而繼業景與善于紹述生徒數百術亦  
 大行

瀧長愷字彌八以字稱號鶴款人原姓引頭世仕本府  
 長愷幼為同藩瀧養正義子從山縣孝孺而學又遊江  
 戶執贄服部喬喬友禮待之太宰純亦稱為海西無雙  
 繼孝孺為府學教授兼世子侍讀養正業醫故長愷亦  
 通其術與修德及山脇尚德吉益為則等往來互講究  
 雖居學職而終身不廢刀圭嘗謂人曰予每察病人水  
 氣為患者十常居七八及考之仲景方治水之劑亦十  
 常七八乃知水毒之患人為最大且多矣醫者留意於  
 此分別其表裏高下胃中胃外伏流凝散等從證為治  
 則濟生之功不啻過半矣

修庵著藥選行餘醫言外有醫事說約傷寒論考灸  
其點圖解及文集下言中言外言

惠美三白子貞璋

惠美三白號寧廣島人仕本府三白恒謂百病生于停  
食故其施治喜用吐方得其妙一夫嘔吐經十餘日至  
吐糞穢加以吃逆衆醫不知所處請三白三白更用瓜  
蒂散吐糞升餘不利三行四肢厥冷皆以為絕三白曰  
否藥正適證少待其應至曉病者微呻搖手作乞飲狀  
乃飲以盞水續與竹葉石膏湯調理二旬復常率是類  
嘗閱佛書見其言四百四種病以宿食為根本淨心誠觀又

言治病用斷食法或三日或四五日南海奇歸傳大悅引以

為證益唱其說曰人謂色欲害身不知飲食之慾害人  
更有甚於色者故其自奉淡泊居常唯食麥飯裙帶菜  
病者問餌食何宜亦舉二品而答三白老而子少養門  
人長尾貞璋為嗣以及其子

貞璋字君達襲稱三白號大周防小松人繼職世子有

疾貞璋進藥有奇效及襲封超遷侍醫加班秩東朝必  
從貞璋性簡貴言不苟發生平無他嗜好專湛思治療  
初承家其名既著晚年技益精到遠近執費者數百人  
寧固著有晚成堂方函又有醫談吐方私錄門人所

輯錄

山脇尚德字玄飛一字子樹號東本姓清水父東軒受業於山脇玄修尚德幼孤母教方極嚴每遣尚德與弟敬長讀書於樓而去其楷不容輒下以故兄弟皆篤學年十三能屬文玄修愛之終乞為己嗣尚德繼職敘法眼好讀經子初奉宗儒性理之說後更改漢唐傳疏年過三十始悟學有古今而醫術亦然乃廢唐後諸家專主仲景與香月則真稻生宜義香川修德等相共討究又就後藤達質已所見如其以痲證為憤厥以痲證為

熱癰痼慣用石膏及解剖刑人以察驗臟腑皆前人之所未道而尚德創之先是官醫不療娼妓尚德亦排衆議而為之躬至其所診視諸如是類務洗滌固習變世醫之耳目以激發其志氣梁田邦美稱尚德曰凡海內醫士信古與否莫不靡然注目蓋亦方技中之護老哉尚德風姿俊爽顧盼動人喜獎掖氣類士出於頽昧中而著聞于當世者甚多永富鳳嘗謁尚德適見其所愛茗器鳳觀玩良久佯失手墜地破裂鳳驚起請罪尚德神色怡然曰何必謝為從容談論如故鳳深服其雅量敬長通稱源吾天才穎敏凡讀書一見即記作厥說引

據頗博皆其所默識早卒尚德子侃字仲陶號東聲稱

繼父著東門隨筆尚德門人有木吉著吐納暇言及附

錄皆多所發明吉字元善以字稱備前召限人

東洋著有醫則臚志濟生餘言方函及文集

永富獨嘯菴龜井道載

永富鳳字朝陽初通稱昌安改鳳介長門豐浦人本姓

勝原出為安岡永富友庵嗣鳳自始識字輒慕古人之

節不屑方技好讀書謂僻邑無可師一夜持百錢出亡

其鄉將買舟東赴京師或諭止之曰汝實兒矣百錢豈

可行千里乎鳳笑曰然父母不許遠遊若使吾携多錢

而走祇速其追也遂如京師時年十六居期年不得意

而反父母乃託之山縣孝孺鳳涉獵群書敏捷絕倫同

舍生疑其疎漏圍繞以問鳳左右酬答辯如轉丸聞者

聳悚弱冠再遊京師聞山脇尚德脩古醫方乃入其門

尚德愛其才欲養成之不强以事縱其所為鳳日與其

徒飲酒醉則高論辯難窮詰從以慢罵一生憤之按刀

進劫鳳夷然不動曰醫公道也應公議汝自認于理何

恨人為忿恚無遣何不自屠人惡其豪放目曰毒性京師

方言稱蕩汰放鳳聞之乃自稱獨嘯菴獨嘯毒性一日

縱者曰毒性尚德從容謂鳳曰士之處世誰無所期望然用與時乖

皇國名醫傳 卷之中 廿七 勿吳藥定歲

泯沒無聞者不可勝數豈不傷乎西土歷代設選舉之制士生其際一言合格青紫可立取豪傑之士寧甘老死風塵哉故其為醫方者率隱逸廢退之流既無確志又乏學殖周漢遺法舍而弗講鹵莽因循以妄附妄我邦承其餘弊民惑滋陰補陽之說久矣吾甚痛之吾子豈有意乎盍助我振數百千年之沈滯復斯道於周漢鳳感其言憤排攻業在尚德門下名已達于遠近矣鳳不樂久縻係一處屢去屢來歷遊諸州尚德嘗薦之仕鳳笑而不應數歲以造糖事挂吏議拘於荻府經月事白於是始屏他事專心於醫家大阪與吉益為則並稱

于京攝問為則嘗曰隱若一敵國者永富氏之子歟吾死當以此人為海內醫流之冠冕矣年三十五病喘而卒鳳雅志在經世曰經世志也醫疾業也不以志廢業不為業棄志其遊四方也見有事關民物利病必講究其措置之方不唯歷驗醫術也及拘於荻府作囊語五篇以見己志其醫業詳于所著諸書惜天不假之年莫以極其能子充國門人龜井魯取而育之及長才學有父風以儒仕五島侯

魯字道載以字稱號南筑前姪濱人世業醫父聽因有氣節少好任俠中歲折節讀書悔已志學之晚故訓其

皇國名醫傳 卷之中 魯之 魯

子獎勵兼至嘗命魯買書籍於長崎魯縱遊酒樓罄囊  
資五十金空手而歸聽因不責再付金使與弟共往人  
或答魯聽因曰寒士視多金一揮弗顧有是意氣或可  
教而成材矣魯還自長崎距家可三里弟脚痛不能步  
扶持保護至夜始歸聽因問知其故怒曰三四里程蒲  
伏可達如是懦夫何不舍而來魯少受菽生氏之學於  
肥後僧元皓又遊京師從吉益為則居五六日疑其醫  
說偏僻一再詰問為則年少易之不與置對魯心惡之  
遂辭去如大阪師鳳鳳著漫遊雜記魯為之序時年十  
八業成以儒醫行後本府舉為儒學教授無幾坐事而

光魯醫理通叢著南溟問答及辨惑論文雖不多亦足  
以概其識趣所存矣

獨嘯庵著有漫遊雜記吐方考徽瘡口訣疳論讀傷

寒論葆光祕錄甲乙篇及詩文集

吉益東洞

子南涯 稻垣清齋

田中愿仲

中村貞治

吉益為則字公言通稱周介

號東洞

本畠山氏室町管領

政長之曾曾祖政慶居紀伊為豐臣氏所滅依其族吉

益半笑齋吉益世業金瘡產科政慶乃冒其姓以隱於

醫紀侯淺野氏之移封安藝也畠山氏舉族從焉政慶子

道安亦遷于廣島始復本姓為則少有大志以先世天


皇國名醫傳 卷之中 十九 勿吳藥室藏

下之顯宗欲興復其家學兵法以試劍馳馬為事稍長  
知非其時乃就父門入津祐順受業以為醫小伎不且  
以汚我祖姓復稱吉益一日慨然嘆曰胎產者婦人之  
常金創者外傷也不足致我術古人云不為良相為良  
醫吾豈不可為良醫邪於是遍集醫書伏讀斷然取則  
於扁鵲考方於仲景而一掃宋後溫補諸說曰萬病一  
毒藥亦毒以毒攻毒毒去體佳未始損元氣何補云乎  
哉旨歸既定謂非醫天下之醫則救疾之切不多矣非  
居京師則授導之方不廣矣遂奉父母往家京師年過  
四十無乞治者日造土偶鬻以為食貧不能為養乃齋

戒斷食七日禱于五條天使醫廟及歸一故舊寄金為  
資尋有病者請診會山脇尚德在坐為則論方尚德可  
之使病者服其藥尚德有識人鑒一見為則即與定交  
揄揚其名入稍向之居數歲類聚方醫斷方極諸選相  
繼而成名聲益顯生徒爭入其門列侯以下敬禮請招  
術終動一世後之唱古方者出其門與否一以為則為  
主為則為人峭直剛勵之氣溢于眉宇當時諸侯多慕  
其名而見之者非唯乞治而已也當其置困舊友有仕  
佐倉侯者以事往京見為則而憫之還薦之侯侯欲召  
祿之友喜甚遣走告為則為則曰吾豈為餓死而辱我

祖先乎辭而不就南部侯有疾為則往診及過江戸時  
佐倉侯為執政召見諭以幕府內旨試其醫術為則留  
而候命數日命未下適其師長門山縣孝孺有疾求診  
以書請知其已來在京謁侯乞暇侯以台命至重弗聽  
固請而去其堅強不屈如此龜井魯嘗曰東洞其英雄  
之士也歟其膽略剛明不在晁錯周亞夫下子猷  
猷字修夫襲稱周介號南為人淳厚志業甚懿自少以  
反覆古書精研方術為務不知茶坊酒肆為何物最好  
傷寒論牆下牖間各置一本隨處取讀嘗以為則萬病  
一毒無形狀可據學者惑焉更建氣血水說謂人身所

以營養者以氣血水循環不已而其病毒之生三者停  
滯失常也故毒一而毒之所因者三乃本仲景證候治  
方分類諸證配之三者推病候以辨其主客審病位以  
辨其急逆虛實以明莫病不歸于三者之變矣作氣血  
水藥徵其徒奉為綱紀弟子著籍三千餘人為則之業  
益大矣為則門人村井枕帆足通楨岑逸田中榮信中  
村貞治原良延字子藏山邊常卿字文伯新崎國林字文庵桃  
井安貞六角重任二宮果字桃亭稻垣辨藏瀨尾珽等尤  
著枕通楨逸珽別出餘事蹟未審  
榮信字愿仲以字稱播磨人居大阪畑惟和之著斥醫





斷也其書始出營信隨反駁之著辨斥醫斷其產蓐陰  
陽醫意癰疔金瘡諸論皆為則所未言榮信特闡發之  
可謂有功於師門矣  
貞治字子亨石見人學既成一時同閩莫與為比及其  
歸為則甚惜之後出居京師出雲醫人携一婦乞治為  
陳前證且欲言己處方貞治遽止之曰子不宗李朱乎  
則我聞子處方何益  
辨藏號清齋三河人術行于近國辨藏以萬病一毒教  
弟子弟子不得其解或以為胎毒或以為食毒為濕毒  
為邪毒紛紜不決一日辨藏擁鑪而坐弟子就而質之

辨藏乃舉鐵筋叩鑪鏗然曰萬病唯一毒會否眾瘖然  
一人進請益辨藏大叱曰再是二毒辨藏好聚奇方每  
見醫人必訪焉有獲則錄之盛以革囊出入寢食恒以  
自隨比隣失火家人倉皇搬運器財辨藏唯負革囊而  
逃他無所顧其篤好如此村井拖著和方一萬方傳播  
于世而辨藏奇方莫知其佚存可惜矣

東洞著類聚方方極藥微外有古書醫言醫事或問  
醫方分量考方選凡散方及文集等又有建殊錄門  
人巖恭所輯錄醫斷鶴元逸所輯錄醫斷刻成在寶曆九年己卯清

徐泗溪大椿刻傷寒論類方亦在乾隆二十四年己卯泗溪曰不論從何經來從何經去見證施治東洞

皇國名醫傳 卷之十 多言藥室

曰如謂其證在某經其經傳其經皆非矣又曰從證不拘經所論旨趣亦符和漢千有餘年未有為此言者而其人同時出其書同年刻可謂奇矣

南涯著氣血水藥徵外有傷寒論精義醫範方庸方

機觀證辨疑等又有傷寒論章句續醫斷門人賀屋

下恭所輯錄續建殊錄武貞恒所輯錄

原仲著辨斥醫斷外有長沙證彙傷寒論逢原等  
皇國名醫傳卷中

